

POPERA GA COROCHAWA YEXMAGŪXŪ GA YAXŌGŪXŪTANŪWA NAMUXŪ GA PAURU

Pauru rü nüxŭ narümoxē ga yema yaxōgŭxŭ ga Corochawa yexmagŭxŭ

1-2 Pa Chaueneēgŭ ya Corochaarŭ Īñewa Ngēxmagŭxex, choma i Pauru rü wŭxigu namaã i taeneē i Timutéu nixŭ i pexcèx tanaxŭmatŭxŭ i ñãã popera. Rü choxŭ nixŭ ga Tupana ga inamuãchixŭ na guxŭwama nüxŭ chixuchigŭxŭcèx i Ngechuchu ya Cristuarŭ ore. Rü pexcèx chanaxŭmatŭ i guxãma i pema ya chaueneēgŭ ya aixcŭma Tupanaãrŭ duŭxŭgŭ ixŭgŭxe ya Cristuaxŭ yaxōgŭxe. Rü chanaxwèxe i Tanatŭ ya Tupana pexŭ narŭngŭxēē na meã pegŭmaã pemaxèxŭcèx rü petaãegŭxŭcèx.

Pauru rü yema yaxōgŭxŭcèx nayumŭxē

3 Rü guxŭguma i ngēxguma pexcèx tayumŭxēgŭgu, rü moxē nüxna taxã ya Tupana ya Nanatŭ ya tórŭ Cori ya Ngechuchu ya Cristu.

4 Rü ngēmaãcŭ tanaxŭ erŭ marŭ nüxŭ tacuáchiga na ñuxãcŭ aixcŭma meã Ngechuchu ya Cristuaxŭ peyaxōgŭxŭ, rü aixcŭma nüxŭ pengechaŭgŭxŭ i guxŭma i ngēma duŭxŭgŭ i Tupanaãrŭ ixŭgŭxŭ.

5 Rü nüxŭ tacuèxgŭ na ngēmaãcŭ meã Tupanapèxewa pemaxèxŭ erŭ penayauxgŭchaŭ i ngēma mexŭgŭ i Tupana pexŭ namaã nguxŭxŭ

i daxūguxŭ i naãnewa. Rŭ ñuxma rŭ meã ípenanguxēẽ na penayauxgŭxŭcèx i ngēma mexŭgŭ yerŭ marŭ nŭxŭ pexĩnŭē ga Tupanaãrŭ ore i mexŭ i aixcŭma ixixŭ.

⁶ Rŭ ngēmatama ore i mexŭ ga pexŭtawa nguxŭ, rŭ guxŭwama nangu i ñuxmax. Rŭ guxŭwama ningŭchigŭ rŭ duŭxŭgŭarŭ maxŭxŭ naxŭchicŭŭ, yema perŭ maxŭxŭ na naxŭchicŭŭxŭrŭŭ ga yexguma nŭxŭ pexĩnŭēgu rŭ nŭxŭ pecuèxgŭgu na ñuxãcŭ Tupana aixcŭma pexŭ na ngechaŭxŭ rŭ pexŭ rŭngŭxēẽchaŭxŭ.

⁷ Rŭ ngēma ore i mexŭ nixĩ ga pexŭ nangúexēẽxŭ ga Epáparu ya tomŭcŭ ya nŭxŭ tangechaŭgŭcŭ ya wŭxigu tomaã Tupanaãrŭ orewa puracŭcŭ. Nŭma rŭ Cristuarŭ puracŭtanŭxŭ ya mecŭ nixĩ, rŭ nŭma nixĩ i tochicŭŭ pexŭ nangŭxēẽxŭ.

⁸ Rŭ nŭma ya Epáparu nixĩ i tomaã nŭxŭ yaxuxŭ i pechiga na ñuxãcŭ Tupanaãē i Ūñexŭãrŭ ngŭxēẽmaã choxŭ pengechaŭgŭxŭ.

⁹ Rŭ ngēmacèx i toma ga noxritama pexŭ tacuáchigagu, rŭ taguma nŭxŭ itayarŭngŭmaē na pexcèx tayumŭxēgŭxŭ. Rŭ guxŭguma Tupanana naxcèx tacagŭ na meã pexŭ nŭxŭ nacuèxēẽxŭcèx i ngēma nŭma nanaxwèxexŭ na penaxŭxŭ. Rŭ nŭxna naxcèx tacagŭ na pexna naxãaxŭcèx i nagŭxŭraŭxŭ i cuèx i Naãē i Ūñexŭwa ne ŭxŭ.

¹⁰ Rŭ nŭxna naxcèx tacagŭ na meã tórŭ Cori naxwèxexŭãcŭma na pemaxèxŭcèx rŭ guxŭguma penaxŭxŭcèx i ngēma nŭma nanaxwèxexŭ. Rŭ nŭxna naxcèx tacagŭ na pexŭ natauxchaxēẽãxŭcèx na togŭxŭ perŭngŭxēẽgŭxŭcèx rŭ guxŭ i ngunexŭgu

yexeraãcü Tupanaxũ pecuáxũcèx.

¹¹ Rũ nüxna naxcèx tacagũ na norũ pora i mexèchixũmaã pexũ naporaexẽxũcèx, na namaã peporaexũcèx i guxũma i guxchaxũgũ rũ yaxna namaã pexĩnũxũcèx.

¹² Rũ ñuxũchi tanaxwèxe i taãẽãcüma Tanatũ ya Tupanana moxẽ pexã, erũ nüma pexũ nimexẽẽgũ na pema rũ ta penayauxgũxũcèx i ngẽma mexũgũ i naxũtawa ngẽxmagũxũ i nüma tá nüxna naxãxũ i ngẽma duũxũgũ i noxrũ ixĩgũxũ.

¹³ Yerũ nüma ga Tupana rũ marũ Chatanámxẽwa tüxũ ínanguxũxẽẽ rũ Nane ya nüxũ nangechaũcũmẽxẽwa tüxũ nangẽxmagũxẽẽ.

¹⁴ Rũ guma Nanegagu nixĩ ga tüxũ namaxẽxẽxũ rũ tüxũ nüxũ nangechaũxũ ga tórũ pecadugũ.

*Rũ yexguma pecaducèx nayuxgu ga Cristu rũ
Tupana nügũmaã nanangũxmũxẽẽ ga duũxũgũ*

¹⁵ Taguma texé Tupanaxũ tadau, natürũ nüma rũ núma nanamu ga Nane na duũxũgũ nüxũ daugũxũcèx rũ nüxũ nacuèxgũxũcèx na ñuxãcü na yĩĩxũ i nüma ya Tupana. Rũ naxũpa ga guxũma ga řacũ i ñuxma ngẽxmaxũ, rũ nüxĩra marũ nayexma ga Tupana Nane.

¹⁶ Rũ Nanexũ nixĩ ga namuxũ ga Tupana na naxũãxũcèx ga guxũma i řacũ i ñuxma ngẽxmaxũ i daxũguxũ i naãnewa rũ ñoma i naãnewa, rũ guxũma i ngẽma nüxũ idauxũ rũ ngẽma tama nüxũ idauxũ. Rũ yemaãcü nanaxũ ga guxũma ga norũ orearũ ngeruũgũ i daxũcũãxãrũ ãẽxgacũgũ rũ guxũma ga ngoxogũarũ ãẽxgacũgũ. Rũ yemaãcü nanaxũ ga guxũma na nüxũ yacuèxũũgũxũcèx.

17 Rū naxŭpa i guxŭma i ta_cü i ñ_u_xma ngẽ_xmaxŭ, rŭ Cristu rŭ marŭ nŭxŭra nayexma. Rŭ nagagu nixŭ i meã inanuxŭ i guxŭma erŭ nŭma nixŭ i namaã inacuáxŭ.

18 Rŭ nŭma ya Cristu rŭ naëru nixŭ i guxŭma i ngẽma yaxõgŭxŭ. Rŭ nŭma nixŭ ga naxŭãxŭ rŭ nŭxna naxããxŭ ga maxŭ. Rŭ nŭma nixŭ ga nŭxŭra yuwa ínadxŭ na guxŭãrŭ ãë_xgacŭ yŭxŭcèx.

19 Rŭ Cristu rŭ Tupanaxŭchi nixŭ, yerŭ yemaãcŭ nanaxwèxe ga Tupana.

20 Rŭ Tupana rŭ ñoma ga naãnewa nanamu ga Cristu na curuchagu pecaducèx nayuxŭcèx. Rŭ yemaãcŭ nixŭ ga Tupana nŭgŭmaã nangŭxmŭëxëxŭ ga guxŭma i ñoma i naãnewa ngẽ_xmaxŭ rŭ guxŭma i daxŭguxŭ i naãnewa ngẽ_xmaxŭ. Rŭ yemaãcŭ nanaxŭ ga Tupana yerŭ yemaãcŭ nanaxwèxe.

21 Rŭ pema ga ŭpa rŭ tama Tupanamŭcŭgŭ pixŭgŭ yerŭ naxchi pexaie nagagu ga perŭ chixexŭ ga naga perŭxŭnŭexŭ rŭ pexŭxŭ.

22 Natŭrŭ i ñ_u_xma ya Tupana rŭ nŭgŭmaã pexŭ narŭngŭxmŭëxë na namŭcŭgŭ i mexŭ pixŭgŭxŭcèx. Rŭ yemaãcŭ nanaxŭ ga Tupana ga yexguma Cristu duŭxŭxŭ ixŭxgu rŭ curuchawa ngŭxŭ yangexgu rŭ yexma nayŭxgu. Rŭ yemaãcŭ nayu ga Cristu na nŭgŭxŭtawa pexŭ nagagŭxŭcèx rŭ napëxewa pimexŭcèx rŭ nataxuxŭcèx i perŭ chixexŭ.

23 Natŭrŭ ngema na pengugŭxŭcèx, rŭ penaxwèxe na guxŭguma mea peyaxõgŭxŭ rŭ meã naga pexŭnŭexŭ rŭ taguma nŭxŭ perŭxoexŭ i ngẽma norŭ ore i mexŭ ga marŭ nŭxŭ pexŭnŭexŭ. Rŭ ngematama ore nixŭ i ñ_u_xma nŭxŭ yaxugŭexŭ

i gúxŭ i naanewa.

Tupana rŭ Pauruxŭ namu na guxŭma ga yaxŏgŭxŭ nangŭxēēxŭcèx

²⁴ Rŭ ñuxma na woo pexcèx ngúxŭ chingexŭ rŭ chataãē erŭ nŭxŭ chacuèx rŭ ñaã chaxunemaã choma rŭ ta chayanguxēē ga yema ngúxŭ ga Cristu ingexŭ naxcèx i norŭ duŭxŭgŭ i yaxŏgŭxŭ.

²⁵ Rŭ ñuxma ya Tupana rŭ choxŭ namu na nŭxŭ charŭngŭxēēxŭcèx i guxŭma i ngēma norŭ duŭxŭgŭ i yaxŏgŭxŭ. Rŭ perŭ mexŭcèx nixŭ i choxŭ namuxŭ na guxŭwama meã nŭxŭ chixuxŭcèx i norŭ ore.

²⁶⁻²⁷ Rŭ ngēma Tupanaãrŭ ore rŭ ñanagŭrŭ:

“Rŭ Cristu rŭ pewa nangēxma i ñuxmax, rŭ nagaguxicatama nixŭ i pexŭ nangēxmaxŭ i pechica i daxŭguxŭ i naãnewa i ngextá ínamexēchixŭwa”,

ñanagŭrŭ. Rŭ yema nuxcŭmaŭgŭxŭ ga duŭxŭgŭ rŭ tama nŭxŭ nacuèxgŭ ga yemachiga, natŭrŭ ñuxma ya Tupana rŭ norŭ duŭxŭgŭxŭ nŭxŭ nacuèxēē. Erŭ nŭma ya Tupana rŭ norŭ duŭxŭgŭxŭ nŭxŭ nadauxēēchaŭ na ñuxãcŭ poraãcŭ pexŭ nangechaŭxŭ rŭ pexŭ nangŭxēēxŭ i guxãma i pema i tama Yudíugŭ ixíguŭxe. Rŭ ñuxma i pema na woo tama Yudíugŭ pixíguŭxŭ, natŭrŭ pema rŭ ta pexŭ nangēxma i pechica i daxŭguxŭ i naãnewa erŭ Cristuaxŭ peyaxŏgŭ.

²⁸ Rŭ ñuxma i toma rŭ Cristuchigaxŭ nixŭ i tixuxŭ. Rŭ ngema ore i Tupanaarŭ cuèx nawa ngexmaxŭmaã nixŭ i guxŭma i duŭxŭgŭxŭ tixucuxēgŭxŭ rŭ tanangŭxēēxŭ na ngemaãcŭ ngearŭ chixexŭãxŭ Cristuxŭtawa tagagŭxŭ.

29 Rū ngēmatama puracū nixī i nawa poraācūxūchima chapuracūamaxū woo tacū rū guxchaxū chauxcèx ínguxgu. Rū guxūma i ngēma pora i Cristu choxna āxū i chowa ngēxmaxū nixī i choxū poraxēēxū na chanaxūamaxūcèx i ngēma puracū.

2

¹ Pa Chaueneēgūx, chanaxwèxe i nūxū pecuèx na ñuxācū poraācū pexcèx chapuracūxū. Rū ngēxgumarūū ta chanaxwèxe i nūxū pecuèx na ñuxācū poraācū chapuracūxū naxcèx i ngēma taeneēgū i Laodichéaarū íānewa ngēxmagūxū rū guxūma i petanūxūgū i taguma choxū daugūxū.

² Rū ngēmaācū poraācūxūchima chapuracū na nūxū rū ta chanangūchaūxēēxūcèx. Erū chanaxwèxe i guxūma aixcūma nūgū nangechaūgū rū nūxū nangēxma i ngēma mexū i cuèx i aixcūma ixīxū. Rū ngēmaācū tá meāma nūxū nacuèxgū ga yema noxri Tupanaxīcatama nūxū cuáxū. Rū yima rū Cristutama nixī.

³ Rū nūma nixī i nūxū nangēxmaxū i guxūma i cuèx i aixcūma mexū. Rū nūma nixī i taxcèx nangoxēēāxū i Tupanachiga.

⁴ Rū pemaā nūxū chixu i ngēma ore erū tama chanaxwèxe na texé pexū womūxēēgūxū namaā i tacū rū ore i chixexūwa pexū gagūxū.

⁵ Rū woo na tama ngēma petanūwa changēxmaxū, natūrū chauāēwa rū poraācū pegu charūxīnū. Rū wūxi i chorū taāē nixī na nūxū chacuáxū na ñuxācū meā pegū ipinuxū na meā pegūmaā ipecuáxūcèx rū ñuxācū tama nūxū perūxoexū na Cristuaxū peyaxōgūxū.

Ñuxma na Cristuarü ixĩgüxü rü ngexwacaxüxü i maxü tüxü nangëxma

⁶ Rŭ pema ga noxri rŭ meãma tórŭ Cori ya Ngechuchu ya Cristuxü peyauxgü. Rŭ ñuxma rŭ yema noxri meãma na penayauxgüxürüŭ rŭ name nixĩ i guxüguma nüxna penaxã i perü maxü na nüma pexü namaã inacuáxücèx.

⁷ Rŭ wüxi i nanetü nanaxwèxe i naxchúmèxã na nataixücèx rŭ na namaxüxücèx. Rŭ ngëxgumarüŭ ta i pema rŭ penaxwèxe na meã Cristuna peyaxügüxü na meã nawa piyaetanüxücèx rŭ meã naxcèx pemaxëxücèx rŭ meã nüxü peyaxögüamaxücèx yema noxri Epáparu pexü ngüexëëgurüŭ. Rŭ name nixĩ i guxüguma Tupanana moxë pexã.

⁸⁻⁹ ¡Rŭ naxcèx pexuãëgü i ngëma duüxügü i pexü womüxëëgüchaüxü! Rŭ tama name i nüxü iperüxĩnüë i ngëma norü ore i tama aixcüma ixĩxü rŭ taxuwama mexü. Erü ngëma duüxügü rŭ pexü nangúexëëchaü na nagu pexixücèx i ngëma nacümagü ga nuxcümaügüxü ga duüxügü nagu ìxü. Rŭ ñoma i naãneãrŭ nguxëëtaegü nixĩ i inaxĩnüëxü. Rŭ tama aixcüma Cristuchiga nixĩ i ngëma pexü nangúexëëxü. Rŭ name nixĩ i nüxna pixĩgachi i guxüma i ngëma nguxëëtaeruügü i chixexügü rŭ Cristuwe perüxĩ. Erü Cristu rŭ Tupanaxüchi nixĩ rŭ guxüma i Tupanaãrŭ pora rŭ Cristuwa nangëxma.

¹⁰ Rŭ ñuxmax, rŭ Tupanaãrŭ maxü rŭ norü pora rŭ aixcüma pewa nangëxma erü namëxwa pengëxmagü ya Cristu ya namaã icuácü i guxüma i daxüçüãxãrŭ ãëxgacügü rŭ guxüma i ngoxogüarŭ ãëxgacügü.

11 Rū ngēma Yudíugü rü nügü ínawiechèxmüpēxechiraŭgü na Tupanapēxewa yamexŭcèx. Natürü ngēxguma Cristuaxŭ yaxōgügu rü tama ngēmaācü tamaā nanaxü ya Cristu na imexŭcèx. Erü nüma ya Cristu rü tórü maxŭwa napuracü rü tüxŭ ínanguxŭxēē nawa i taxüneārü ngúchaŭgü. Rū ngēmaācü nixī i tüxŭ yamexēēxŭ na Tupanapēxewa imexŭcèx.

12 Rū yexguma ípebaiŭgu, rü Cristu na itáxŭrüŭ yexma natèx ga yema nuxcūmaŭxŭ ga perü maxŭ. Rū yema Cristu na írüdaxŭrüŭ rü pema rü ta penayaxu i maxŭ i ngexwacaxŭxŭ, yerü peyaxōgü na Tupana norü poramaā Cristuxŭ írüdaxēēxŭ.

13 Rū ũpa ga pema rü tama aixcūma pexŭ nayexma ga maxŭ i taguma gúxŭ yerü pepecaduāxgü rü pexeneārü ngúchaŭ pexügü. Natürü i ñuxma rü Cristuxŭ namaxēēxŭrüŭ pexŭ namaxēēē ya Tupana erü Cristuarü duŭxŭgü pixīgü. Rū Tupana rü marü Cristugagu tüxŭ nüxŭ nangechaŭ ga guxŭma ga tórü pecadugü.

14 Rū noxri rü tachixe yerü tama aixcūma naga taxīnüē ga yema mugü ga Moíché tüxna āxŭ, rü tórü pecadugü rü yuwa tüxŭ nagagü. Natürü ga Cristu rü curuchagu tórü pecaducèx nayu, rü yemaācü Tupana tüxŭ nayangutanŭxēē ga yema tórü pecadugü.

15 Rū yexguma curuchagu nayuxgu ga Cristu, rü yexguma nixī ga Chatanáxŭ naporamaēxŭ ga Tupana. Rū yexguma nixī ga guxŭ ga duŭxŭgüpēxewa Chatanáxŭ naxānexēēxŭ ñoma wüxi i churaragüarü āēxgacü i norü uwanü i nüxŭ naporamaēxŭxŭ naxānexēēxŭrüŭ.

Name nixĩ i naxcèx tadaugü i ngẽma mexügü i daxüguxü i naãnewa ngẽmagüxü

¹⁶ Rũ ñuxma rü taxucèxma tüxcüũ pexü nixu i ngẽma Yudíugü ega woo tama naxrüũ penaxüxgux. Nümagü rü ñuxre i õnagüxicatama nangõxgü, rü ñuxre i axeũĩcatama nixaxgü, rü ñuxre i petaarü ngunexügü naxauregü na ngẽmaãcü Tupanaxü yacuèxüügüxcèx. Rũ nangèxma i norü peta i gucü ya taunecügu Tupanacèx naxauregüxü rü togü i petagü i gucü ya tauemacügu naxauregüxü. Rũ nüxü nangèxma i nacümagü na ñuxãcü ngüxchigaarü ngunexügü naxauregüxü.

¹⁷ Rũ aixcüma yema nuxcümaügüxü ga Yudíugü rü nanaxauregü ga yema nacümagü yerü ga Cristu rü tauta ínangu ga yexguma. Natürü i ñuxma rü marü ínangu ya Cristu rü tórü pecaducèx nayu. Rũ ñuxma rü name nixĩ na naga ixĩnüèxü rü tama nagu ixĩxü i ngẽma nuxcümaügüxü i nacümagü.

¹⁸ ¡Rü tãütáma naga pexĩnüè i ngẽma duüxügü i nüxü ixugüxü na ipeyarütauxexü ega tama daxüçüãx i orearü ngeruügüxü picuèxüügügu! Nümagü rü tama nügü nicuèxüügüneta rü nügü nixugü na yangoxetügüxü. Rũ noxrütama cuèxmaãmare nügü nicuèxüügü.

¹⁹ Natürü i nümagü rü tama aixcüma naga naxĩnüè ya yima taeru ixĩcü ya Cristu ya tüxü poraexẽècü rü tüxü iyaetanüxẽècü i tórü õwa i guxãma i yixema i norü duüxügü ixĩgüxe. Rũ nüma ya Cristu nixĩ i wüxigu tüxü naxĩnüèxẽèxü i wüxichigü i yixema ngẽma Tupana naxwèxexürüü.

²⁰ Rũ yexguma nayuxgu ga Cristu rü yexma nayu ga nuxcümaüxü ga perü maxü, rü yexma na-

yarüxo ga guxŭma ga nuxcümaŭgŭxŭ ga pecümagŭ i ñoma i nañecŭĀx i duŭxŭgŭ nagu rŭxĩnŭēxŭ. Rŭ ngēmacèx i ñuxmax ĸrŭ tŭxcŭŭ nixĩ i ñoma i nañecŭĀx maxēxŭrŭŭ nagu pemaxēxŭ i pemax, rŭ tŭxcŭŭ nixĩ i ngēma Yudíugŭcŭmagu pexĩxŭ?

²¹ Rŭ nŭmagŭ i Yudíugŭ rŭ nŭxŭ nixugŭe rŭ ñanagŭrŭgŭ:

“Tama name i nŭxŭ quingōgŭ i ngēã, rŭ tama name i cunangōx i yea, rŭ tama name i cunayaxu i ngēma”, ñanagŭrŭgŭ.

²² Natŭrŭ guxŭma i ngēma nacŭmagŭ rŭ paxa tá inayarüxo erŭ duŭxŭgŭarŭ nixĩgŭ. Rŭ ngēma pexŭ namuxŭ rŭ duŭxŭgŭarŭ mugŭmare nixĩ. Rŭ ngēma pexŭ nangŭexēēxŭ rŭ duŭxŭgŭarŭ ngŭxēētaemare nixĩ.

²³ Rŭ guxŭma i ngēma pexŭ namuxŭ rŭ pexcèx namexcŭraxŭ erŭ pexŭ naxucŭxègŭ na tacŭ pex-auregŭxŭcèx, rŭ tama pegŭ picuèxŭŭgŭxŭcèx, rŭ meã pexenemaã ipecuèxgŭxŭcèx. Natŭrŭ guxŭma i ngēma mugŭ rŭ tama aixcŭma pexŭ narŭngŭxēē na nŭxŭ perŭxoexŭcèx i pexeneärŭ ngŭchaŭgŭ.

3

¹ Rŭ ñuxma i pemax, rŭ Cristu wena maxŭxŭrŭŭ rŭ pexŭ nangēxma i maxŭ i ngexwacaxŭxŭ. Rŭ ngēmacèx name nixĩ i naxcèx pedau i ngēma mexŭgŭ i daxŭguxŭ i nañewa ngēxmaxŭ i ngextá Cristu rŭ Tupanaärŭ tŭgŭnecŭwawa írŭtoxŭwa rŭ namaã ãēxgacŭ íyĩxŭwa.

² Rŭ name nixĩ i guxŭguma nagu perŭxĩnŭē i ngēma daxŭguxŭ i nañewa ngēxmaxŭ i ngemaxŭgŭ rŭ tama i ngēma ñoma i nañewa ngēxmaxŭ.

³ Yerü yexguma nayuxgu ga Cristu rü yexma nayu ta ga nuxcūmaũxũ ga perü maxũ. Rü ñuxma rü pexũ nangẽxma i perü maxũ i ngexwacaxũxũ erü Cristutanũxũ pixĩgü rü Tupanamẽxewa pengẽxmagü.

⁴ Rü nümatama ya Cristu nixĩ i pexũ namaxẽxẽxũ. Rü ngẽxguma wena núma nangoxgu, rü namaã tá pengóe, rü naxrüũ tá pimexẽchi.

Marü nüxũ tarüxo i nuxcūmaũxũ i tacüma i chixexũgü rü tanayaxu i ngexwacaxũxũ i tórü maxũ

⁵ Rü ñuxma rü name nixĩ i nüxũ perüxoe i guxũma i ñoma i naãneãrũ chixexũ i pewa ngẽxmaxũ. Rü tama name i pemẽxna naĩ i nge-maã pemaxẽ, rü tama name i petena naĩ ya yatümaã pemaxẽ. Rü tama name i penaxü i pex-eneãrũ ngúchaũ rü bai i nagu perüxĩnũemare. Rü tama name i pexũ nangúchaũ i tacü rü to i chixexũgü. Rü tama name i pegünaxĩcatama penanux-uchigüchaũ i guxũma i ngẽmaxũgü, erü yixema ngẽma nacüma tüxũ ngẽxmaxẽ rü düxwa namaã tatupanaãx.

⁶ Rü guxũma i ngẽma chixexũgücèx tá nixĩ i Tupana napoxcuexũ i ngẽma duũxũgü i ngẽmaãcü maxẽxũ rü tama naga ñnüẽchaũxũ.

⁷ Rü pema ga ũpa rü penaxü ga yema chixexũgü, rü yemaãcü pemaxẽ.

⁸ Natürü i ñuxma rü name nixĩ i nüxũ perüxoe i guxũma i ngẽma na pegüchi pexaixũ, rü pegümaã penuẽxũ, rü chixri pemaxẽxũ, rü pegümaã pegux-chigagüxũ, rü guxũma i ngẽma chixexũ i dexa i nüxũ pixuxũ.

9 Rū tama name i pegümaã pidorae, erü marü ípenatèx ga nuxcümaũxü ga pecüma rü guxüma ga yema chixexüğü ga ũpa pexüğüxü.

10 Rū ñuxma rü marü penayaxu i ngexwacaxüxü i perü maxü rü ngexwacaxüxü i duüxüğü pixüğü. Rü guxü i ngunexügu rü Tupana pexü ningexwacaxüxüẽchigü na yexeraãcü pimexüçèx naxrüü rü yexeraãcü nüxü na pecuèxgüxüçèx ya Tanatü ya Tupana ya maxü tüxna ãcü.

11 Rü ñuxma rü Tupanacèx rü nüetama nixü ega Yudü quixügu rü èxna tama. Rü nüetama nixü ega ícuwiechèx-müpèxechiraügu rü èxna tama. Rü nüetama nixü ega tacü rü nachiüãnecüãx i duüxü quixügu, rü èxna tacü rü duüxü quixügu. Rü nüetama nixü ega wüxi i coriarü duüxü quixügu, rü èxna taxúxearüma duüxü quixügu. Erü ñuxma rü ngëma guxüãrü yexera aixcüma tüxü mexü nixü na Cristu rü guxüãrü ãèxgacü yüxü rü guxãwama nangèxmaxü.

12 Rü ñuxma ya Tupana rü pexü nangechaü i pema rü pexü nadei na noxrü pixüğüxüçèx. Rü ngëmacèx name nixü i guxüguma pexü nangechaütümüüğü i togü, rü namaã pemecümagü, rü tauxchaãcüma nüxna penaxã, rü taguma napèxewa pegü picuèxüxüğü. Rü ngëxguma woo tacü pemaã naxüxgux rü name nixü i yaxna namaã pexüñüẽ.

13 Rü name nixü i wüxichigü i pema na pegümaã yaxna pexüñüèxü. Rü ngëxguma chi texé tacü pemaã üxgux, rü name nixü i pegüxü nüxü pengechaüğü i ngëma. Rü yexgumarüü ga tórü Cori na pexü nüxü ngechaüxürüü, rü name nixü i togüaxü nüxü pengechaüğü.

14 Rū guxũārū yexera mexũ nixĩ na pegũ pengechaũgũxũ. Erũ ngẽxguma aixcũma pegũ pengechaũgũgu rũ aixcũma wũxigu tá perũxĩnũē, rũ meã pegũmaã tá pemaxē.

15 Rũ name nixĩ na pemaã inacuáxũ i ngẽma taãē i Cristu pexna ãxũ na ngẽmaãcũ aixcũma pegũ pengechaũgũxũcèx. Yerũ yemacèx nixĩ ga Tupana pexũ dexũ na wũxitama i duũxũgũ pixĩgũxũcèx rũ meã wũxigu perũxĩnũēxũcèx. Rũ name nixĩ i moxē nũxna pexãgũ ya Tupana.

16 Rũ name nixĩ i guxũguma peãēwa nangẽxma i Cristuarũ ore rũ taãēãcũma naga pexĩnũē. Rũ name nixĩ i meã peãēxũ pecuáãcũma namaã pegũ pengũexēē rũ pegũ pixucũxēgũ na ngẽmaãcũ pegũaxũ penangũchaũxēēxũcèx. Rũ name nixĩ i aixcũma Tupanana moxē pexãgũãcũma nagu pewiyaegũ i nagũxũraũxũ i norũ wiyaegũ.

17 Rũ guxũma i ngẽma pexũxũ rũ nũxũ pixuxũ rũ name nixĩ i tórũ Cori ya Ngechuchuégagu penaxũ. Rũ name nixĩ i ngẽmaãcũ Ngechuchuégagu Tanatũ ya Tupanana moxē pexãgũ.

Tupana nanaxwèxe na meã namaxẽxũ i duũxũgũ i Cristuaxũ yaxõgũxũ

18 Pa Ngexũgũ i Ātegũxũx, rũ name nixĩ i pe-tega pexĩnũē. Erũ woetama ngẽma nixĩ i mexũ na penaxũxũ erũ tórũ Cori ya Cristuarũ duũxũgũ pixĩgũ.

19 Pa Yatũgũ i Āmaxgũxũx, rũ name nixĩ i ngĩxũ pengechaũgũ i pemèxgũ. Rũ tama name na ngĩmaã pechixecũmagũxũ.

20 Pa Buxŭgŭx, rŭ name nixĩ i guxŭwama penatŭ rŭ peega pexĩnŭē, erŭ ngēma nixĩ i namaã nataãēxŭ ya tŏrŭ Cori.

21 Pa Papágŭx, rŭ tama name i penanuēxēē i pexacŭgŭ. Erŭ ngēxguma ngēmaãcŭ penaxŭxgux rŭ ngŭrŭãchi tá nŭxŭ nawextŭmŭŭ i ngēma namaã nŭxŭ pixuxŭ.

22 Pa Duŭxŭgŭx i Ixãârŭ Coriãxgŭxŭx, rŭ name nixĩ i guxŭwama naga pexĩnŭē i perŭ corigŭ i ñoma i naãnewa pemaã icuèxgŭxŭ. Rŭ tama name i pexŭ nadaugŭguxicatama meã pepuracŭe na ngēmaãcŭ penataãēxēxŭcèx. Natŭrŭ name nixĩ i mexŭ i perŭ ngŭchaŭmaã guxŭguma meã pepuracŭe erŭ tŏrŭ Corixŭ pemuē.

23 Rŭ guxŭma i ngēma perŭ puracŭ i pexŭxŭwa rŭ name nixĩ i perŭ ngŭchaŭmaã penaxŭ ñoma tŏrŭ Cori ya Cristuaxŭ pepuracŭexŭrŭŭ rŭ tama i duŭxŭgŭaxŭ.

24 Rŭ marŭ nŭxŭ pecuèx rŭ daxŭguxŭ i naãnewa rŭ tŏrŭ Cori ya Cristu tá pexna nanaxã i perŭ ãmare i maxŭ i taguma gŭxŭ. Erŭ yima Cristu ya aixcŭma perŭ Cori ixĩcŭaxŭ nixĩ i pepuracŭexŭ.

25 Natŭrŭ yixema chixexŭ ŭxe rŭ tá ta tanayaxu i tŭmaãrŭ natanŭ naxcèx i ngēma chixexŭ i taxŭxŭ, rŭ aixcŭma Tupana tá tŭxŭ napoxcu. Erŭ Tupanapēxewa rŭ guxŭma i duŭxŭgŭ rŭ nawŭxigu, rŭ taxucŭrŭwama texé Tupanachèxwa tiña ega chixexŭ taxŭxgux.

4

1 Rŭ pemax, Pa Corigŭx, rŭ name nixĩ i perŭ duŭxŭgŭmaã pemecŭmagŭxŭ, rŭ tama

penawomüxëëxŭ. ¡Rü nüxna pecuèxãchie na pema rü ta pexŭ nangëxmaxŭ ya perü Cori ya daxŭgucü!

² ¡Rü guxŭguma peyumüxëgŭ, rü pexuãëgŭ na tama chixexŭgu peyixŭcèx! ¡Rü Tupanana moxë pexãgŭ!

³ ¡Rü toxcèx rü ta peyumüxëgŭ na Tupana toxŭ natauxchaxëëxŭcèx na nüxŭ tixuxŭcèx i norü ore i mexŭ, rü meãma duŭxŭgümaã nüxŭ tixuxŭcèx i ngëma ore ga noxri tama nüxŭ nacuèxgŭxŭ i Cristuchiga! Rü ngëma orecèx nixŭ i ñuxma ichapoxcuxŭ.

⁴ Rü chanaxwèxe i chauxcèx peyumüxëgŭ na meã duŭxŭgücèx chanangoxëëxŭ i ngëma ore, erü ngëma nixŭ i mexŭ na chanaxŭxŭ.

⁵ ¡Rü meã pemaxë napëxewa i ngëma duŭxŭgŭ i tama yaxŭgŭxŭ! ¡Rü ñuxma na pexŭ natauxchaxŭ, rü yoxni paxa penaxŭx i Tupanaãrŭ puracü! ¡Rü taxŭ i perüchomarexŭ!

⁶ Rü ngexguma togŭ i duŭxŭgümaã pidexagŭgu, rü name nixŭ i penataãëxëë namaã i ngema dexa i namaã nüxŭ pixuxŭ. ¡Rü ngemaãcü mea penangaxŭ i ngema pexna cèxŭ nachiga i perü õ!

Pauru nanaguxëë ga norü popera rü wenaxãrŭ yema duŭxŭgŭxŭ narümoxë

⁷ Rü nüma ya taeneë ya Tíquicu ya nüxŭ ingechaŭgücü rü aixcuma choxŭ narüngŭxëë rü wüxigu chomaã Cori ya Tupanacèx napuracü. Rü nüma tá pemaã nüxŭ nixu i chauchiga.

⁸ Rü ñuxma rü petanüwa chanamu na pexŭ nataãëxëëxŭcèx rü pemaã nüxŭ yaxuxŭcèx na ñuxãcü toxŭ nangupetŭxŭ i tomax.

⁹ Rū Tíquicumaã petanüwa chanamu i Onéchimu ya taeneẽ ya nüxũ ingechaũgücü ya aixcüma meã Tupanaãrũ puracü ücü. Rū nüma rü petanüxũ nixĩ. Rū nümagü tá nixĩ i pemaã nüxũ yaxugüxũ na tacü ngupetüxũ i núma.

¹⁰ Rū pexũ narümoxẽ i Aritácu i wüxigu chomaã poxcuxũ. Rū ngẽxgumarüũ ta pexũ narümoxẽ i Marcu i Bernabéeneẽ ixĩxũ. Rū marü pemaã nüxũ chixu i Marcuchiga na meã penayauxgüxüçèx i ngẽxguma petanüwa nanguxgu.

¹¹ Rū ngẽxgumarüũ ta pexũ narümoxẽ ya taeneẽ ya Ngechuchu ya Ixaixcümacügu ãegacü. Rū ngẽma tomaẽxpüx i yatügü rü ngẽxĩcatama nixĩ i Yudiügü i yaxögüxũ i wüxigu chomaã puracüexũ i Tupanaãrũ puracüwa. Rū nümagü rü poraãcü choxũ nataãẽxẽgü.

¹² Rū ngẽxgumarüũ ta pexũ narümoxẽ i Epáparu. Rū nüma rü petanüxũ nixĩ, rü aixcüma nanaxü i Cristuarü puracü. Rū nüma rü norü yumüxëwa rü guxüguma Tupanaxũ nacèèxũ pexcèx na aixcüma meã pemaxëxüçèx rü peyaxögüamaxüçèx rü aixcüma penaxüxüçèx i ngẽma Tupana naxwèxexũ.

¹³ Rū choma rü marü nüxũ chadau rü pemaã nüxũ chixu i ñuxãcü Epáparu poraãcü pexcèx napuracü rü naxcèx napuracü i ngẽma taeneëgü i Laodichéaarü ããnewa rü Iráporiarü ããnewa ngẽxmagüxũ.

¹⁴ Rū Luca ya duturu ixĩcü ya nüxũ ingechaũgücü, rü pexũ narümoxẽ. Rū ngẽxgumarüũ ta pexũ narümoxẽ i Dema.

¹⁵ ¡Rü chauégagu nüxũ perümoxëgü i taeneëgü i Laodichéawa ngẽxmagüxũ! ¡Rü ngẽxgumarüũ ta

nüxŭ perümoxëgü i Nifa rü guxŭma i taeneëgü i yaxõgüxŭ i napatawa ngutaquëxegüxŭ!

¹⁶ Rü ngëxguma marü nüxŭ pedaumatüguwena i ñaã popera, rü chanaxwèxe i Laodichéawa penamu na ngemacŭãx i taeneëgü rü ta nüxŭ nadaumatügüxücèx. Rü ngëxgumarüŭ ta i ngëma popera i Laodichéawa chamuxŭ, rü ngëxguma pexŭtawa nanguxgu rü chanaxwèxe i nüxŭ pedaumatügü.

¹⁷ Rü chanaxwèxe i Ariquípumaã nüxŭ pixu, rü ñapegügü nüxŭ:

“¡Rü meã napuracü rü yanguxëë i ngëma puracü i tórü Cori cuxna ãxŭ!” ñapegügü nüxŭ.

¹⁸ Choma i Pauru rü choxmëxmaãtama pexcèx chanaxümatü i ñaã chorü moxë. ¡Rü nüxna pecuëxãchie na chapoxcuxŭ! Rü chanaxwèxe i Tupana pexŭ narüngüxëë.

Rü nuãma pexna,
Pauru

**Tupanaarü Ore i Tóru Cori ya Ngechuchu ya
Cristuchiga
New Testament in Ticuna (PE:tca:Ticuna)**

copyright © 2008 Wycliffe Bible Translators, Inc.

Language: Ticuna

Translation by: Wycliffe Bible Translators, Inc.

Ticuna

tca

Peru

Copyright Information

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Ticuna

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022

9d5dc22a-30be-5d26-85a9-76047f4c89e6